

欽定剿平粵匪方略

欽定勦平粵匪方略卷三百四十八 癸亥年

七月初二日

丙午

李鴻章奏冒蘇州踞賊以吳江

震澤縣城當江浙之衝爲嘉湖援賊所必由之路添聚逆黨分紮花涇港同里等處阻截官軍

臣因商令程學啟戈登先圖吳江以斷賊援六月十一日程學啟督令陽利見等進攻花涇港賊壘該逆見我軍突至開礮迎擊程學啟等揮

兵撓勦以開花礮向賊營轟擊賊敗回壘中適  
蘇州援賊數千由葑門出寶帶橋鼓譟而前令  
礮船截擊之連放炸礮六十餘次轟倒石城四  
梁壘賊驚亂戈登輪船隨到連開大礮悉中要  
害程學啟督水陸將士一擁而出燒燬賊船二  
十餘隻陣斬三四百名當將賊壘攻克吳江之  
賊數千蠶擁又至經官軍追斬數百名十三日

進攻同里副將張光泰等將湖口賊營踏破生擒五百餘名潰賊梟水逃遁官軍以槍礮排擊轟斃溺斃之賊數千蘇州賊酋率二萬餘人蔽船一百餘隻由尹山橋圍攻花涇港石壘程學啟親督水陸各軍往援分抄賊後復經副將劉士奇等奮勇夾擊賊卽潰退同里賊營卽時攻克李恆嵩度官軍攻勦同里之際城賊必不爲

備先將北門外賊卡踏毀並將同里回竄之賊  
擒斬淨盡十四日程學啟督軍進偏城根合力  
攻擊該逆自知不敵開門出降吳江震澤縣城  
卽於辰刻收復 臣查江震一城當吳越之衝水  
陸交匯茲旣攻克則嘉湖賊援可斷且由花涇  
港直下太湖足以規取蘇垣程學啟等奮勇當  
先勦辦尙爲得手其尤爲出力之副將張光泰

等先行開列仰懇

恩施至陣亡把總劉士珂等並請

旨交部從優議卹

李鴻章又奏冒丹陽江陰各逆首攻撲楊厓分  
踞長涇經臣傳令各營分投勦洗初八日該逆  
分數十股漸偏楊厓西南北三門忽自退去據  
降卒云江陰無錫各僞王與護逆意見不合均

率衆回遁沙山僅護逆一股盤踞未退是夜唐  
殿魁派勇偷擊賊館賊多憑河防守我勇由太  
平橋繞襲其後搃斬多名焚燒賊卡二處賊竄  
向黃埔而去初九日黃翼升進攻長涇踞賊連  
踏卡壘十餘座賊退回竹塘青陽港李鶴章令  
總兵郭松林等分出隊伍於顧山陳市嚴家橋  
一帶排列長涇之賊時出衝突當經擊退嚴家

橋之賊亦經擊敗賊於七里橋設有卡一座  
我軍於初九日用槍礮排擊該逆拌命抵拒適  
王東華督礮船前來併力攻擊轟倒卡牆數丈  
我軍蠶擁而進該逆敗過浮橋斬殺無數賊衆  
大敗狂奔自相踐踏死者尤多當將賊卡賊壘  
一律踏平 臣查楊庫長涇一帶竄賊經各營將  
士冒暑擊退疫病甚多略一休息應卽相機進



圖江陰已函商黃翼升並令劉銘傳李鶴章等  
穩慎籌辦其力戰陣亡之千總唐先蔭並其兄  
唐先照應請

旨飭部分別議卹以慰忠魂

李鴻章又奏言據常熟巡船在滄關奪獲偽文  
數百件臣查閱多係金陵賊目致蘇杭嘉興各  
頭目書信內稱洪逆現封偽忠王李秀城爲軍

師留守金陵因被官軍圍偏調各僞王赴援並  
求蘇嘉各賊解濟米糧該城內米價每石十二  
兩無處購買火藥亦缺等語臣查九洲洲下關  
克復則江路已斷商船不能販運進城金陵賊  
衆糧少實有坐困之勢曾國荃鮑超漸圍漸緊  
可冀得手現在蘇州賊勢亦蹙吳江復後我軍  
進步較寬臣已商令戈登程學啟等密爲防備

通飭前路營卡一體查拏嚴斷接濟以杜狡謀  
奏入

上命議政王軍機大臣傳諭李鴻章曰江震一城當  
水陸之衝恐嘉湖之賊必將力爭要隘我軍旣已  
攻克必須固守方足以扼賊吭而制其命著李鴻  
章飭令程學啟等仍以穩紮穩進爲主然後由花  
涇港直下太湖規取蘇城毋稍大意楊庫長涇之

賊既經擊退卽應飛飭各營進規江陰惟該營將士冒暑征戰疫病甚多殊深慮念該撫當令黃翼升等妥爲拊循入秋以後疫氣定可漸平卽督令該員弁等妥籌進取無誤事機許關搜獲僞文內稱金陵城內米價昂貴火藥亦缺並調各僞王赴援等情著卽飛咨曾國荃上緊偏攻並嚴斷接濟以期早克堅城現在江南各軍以次得手該撫惟

當督飭各軍謀定後動先自立於不敗之地以待敵之可勝然後攻瑕乘隙自不難節節蕩平同膺懋賞勉之望之

上諭內閣曰此次官軍攻克花涇港同里賊壘收復吳江震澤縣城仍著李鴻章督飭諸軍進逼蘇州省城嚴密布置以期及早攻拔迅掃妖氛李鴻章自駐軍上海節節進剿疊克崑新常昭等城復克

吳江震澤調度有方深堪嘉尚著交部從優議敘  
其尤爲出力之副將張光泰陳東友成俞卿均著  
以總兵記名簡放總兵陽利見陳有昇副將劉士  
奇均著遇有總兵缺出儘先提奏陽利見劉士奇  
並賞給二品封典副將張元龍著賞給彪勇巴圖  
魯名號何安泰著賞給挺勇巴圖魯名號王永勝  
著賞給慤勇巴圖魯名號參將陳忠德著以副將

推補遊擊阮炳福著以參將補用並賞加副將銜  
光祿寺署正徐佩瑛著免選本班以知州儘先選  
用並賞加運同銜守備鄭國榜著以都司補用並  
賞換花翎千總謝梁鎮著以守備補用並賞加都  
司銜以示獎勵陣亡把總劉士珂外委周長榮張  
萬盛均著交部從優議卹其餘應獎應卹人員著  
李鴻章彙案具奏丹陽江陰各逆首攻樸楊厘分

踞長涇經劉銘傳等水陸擊勦賊卽潰竄所有陣  
亡千總唐先蔭著照陣亡例從優議卹把總唐先  
照著照軍營病故例議卹

初三日丁未馮子材魁玉奏言南路援賊自常州

至丹陽蟻聚十餘萬衆其丹陽境內舊有逆卡  
如博洛村水湖等處深溝高壘悉力負嵎六月  
初十日總兵田宗揚等督隊進勦水湖逆壘我



軍攻擣良久以天時酷熱人馬未能久駐旋即  
回防十二日又派總兵陶茂森率所部至馬陵  
分道進攻該逆傳放火號卽見丹陽城外賊旗  
隱現陶茂森等指揮馬步分投轟擊賊憑巢阻  
險以誘我師攻至酉刻亦卽收隊旋探聞屯賊  
大股竄併水湖上下旬一帶亟圖下犯十九日  
派副將黃武賢等選帶勁旅亟擣逆巢賊見官

軍勢盛鼠伏不出當飭水陸各營分守要隘毋  
稍大意查此次南路援賊分屯無非圖援金陵  
而鎮郡孤懸南岸羣賊垂涎日久臣等前接會  
國藩來函金陵官軍長圍未合目前鎮防緊要  
不宜分兵遠出應隨時相機進剿丹陽各賊以  
牽制之仍可進退裕如等語臣等惟有以堅守  
爲主而以更番出擊牽綴賊勢使之無暇分援

他處卽以固我藩籬酌量進止

馮子材魁玉又奏言鎮營兵力不敷進取仰蒙  
我

皇上通籌全局飭派江北勁軍交臣等妥爲調遣連  
日查看該營將士尙屬精壯惟一切營制與鎮  
營互有參差將來調派防勦深恐事權未一仍  
於軍事無裨查目前進攻機宜移步換形非且

夕可以蕝事而江北防務漸鬆前准都興阿來  
咨存營兵勇業已足敷堵剿仰懇

天恩飭將此起兵勇二千九百六十名歸併鎮營防  
剿由臣等簡閱整頓俾資得力各該營向由北  
臺領餉者仍循其舊其本在南臺領餉各營查  
照併軍節餉章程分別釐剔用節冗糜至副將  
刁經明向辦都興阿營務係江北得力之員應

飭仍回場營辦事由臣等揀派鎮協大員分別統領以專責成奏入

上命議政王軍機大臣傳諭都興阿富明阿馮子材魁玉曰南路援賊圖救金陵鎮營官軍雖於博洛村水湖等處屢獲勝仗而賊勢正銳總當加意慎重會國藩所稱金陵長圍未合鎮防緊要不宜分兵遠出應隨時相機進剿丹陽各賊以牽制之仍

可進退裕如等語洞中機宜與歷次諭旨應合卽  
著馮子材等妥籌防守仍一面更番出擊使賊無  
暇分援他處庶金陵之師可期合圍江北存營兵  
勇旣據馮子材等奏接都興阿咨稱足敷堵剿所  
有前撥兵勇二千九百六十名著准其歸併鎮江  
軍營由馮子材等簡閱調度俾壯聲威各該營向  
由北臺領餉者仍著悉循其舊其本在南臺領餉

各營並著查照上年併軍節餉章程分別釐剔用  
節冗糜至副將刁經明向辦都興阿營務仍著飭  
令回營由都興阿等差遣以資得力

初四日

戊申

曾國荃奏言竊臣前奉撫浙之

命具疏懇辭實以才智短淺不敢謬膺重寄乃荷

溫綸疊沛勛勵逾恆臣亦何敢爲再三之瀆惟當恪

遵

訓諭電勉效忠查金陵軍事自去歲進兵以來或謂  
宜將蘇皖各城全數攻下然後從事於金陵或  
謂宜乘東西梁山蕪湖太平甫破先圖金陵臣  
以書生從戎愧乏成算在巢縣時曾與多隆阿  
函商如果各處得手臣由蕪湖循南岸而下直  
達雨花臺多隆阿由廬州循北岸而下直達九  
洲兩路並進會勦金陵厥後臣攻克蕪湖多



隆阿攻克廬州 臣卽循南岸徑抵雨花臺而多  
隆阿馳援陝西不克踐北岸會勦之約非 臣初  
意所及料也逮秋閒疾疫繁興軍士死亡相屬  
羣賊大舉來援 臣以孤軍深入重地撫殘羸之  
卒當數十倍之寇仰賴

聖主威福幸獲苟全蕪湖金柱關暨鮑超甯國之師  
亦瀕於危者半載至今年二月始得出險入夷

方其存亡呼吸之際大局幾幾決裂未嘗不咎  
謀之不臧然去冬忠侍諸僞王悉力與臣及鮑  
超相持而滬浙兩軍遂得少紓兵力屢下名城  
近日臣軍連克石壘滬軍進逼蘇州而僞忠王  
悉撤北渡之賊救援南岸江北遂得一律肅清  
是知軍事之得失無定抑又非初謀所及料也  
頃者九浞洲旣克臣與彭玉麟楊岳斌等熟商

乘此時浙攻富陽滬攻蘇州金陵亦宜合圍三處同時並緊可期一處得手質之臣兄國藩意見亦相符合惟是鎮江要地兵數無多不宜輕於調出苗逆新陷壽州江北處處宜防都興阿揚州之兵蕭慶衍二浦之兵亦不宜率調過江金陵城池極大臣軍西起江東橋綿互而南東至印子山分布二三十里鮑超一軍立營幕府

山一帶與臣軍相隔四十餘里自鍾山南通秣陵關東至榮華鎮尙爲該逆所有急切不能合圍加以酷暑薰蒸疾病繁起鑒於上年覆轍不得不倍加慎重擬俟天氣新涼各營病勢稍定鮑超卽進兵孝陵衛再行酌調新營漸圍合圍屢據投誠賊供城內薪米均缺殺馬而食拆屋而炊決無能久之理臣派臬司劉連捷會合水

師稽查江濱嚴斷接濟倣照安慶九江辦法待  
其糧盡援絕或可覆此老巢殲除巨憝一雪敷  
天臣民之憤奏入

上諭曰金陵蘇杭三處同時並緊可期一處得手所  
籌均合機宜該撫惟當與曾國藩權度地勢調察  
賊情隨時相機應變於勇往中寓慎重之意庶百  
密不至一疏城賊旣缺米糧合圍以後當飭劉連

捷會合水師稽查江濱嚴斷接濟俾賊糧盡自亂  
掘渠構穴迅奏膚公有厚望焉勉之

初五日己酉沈葆楨奏言自饒防各軍掃清陶家

渡後該逆遁歸石門並分紮雞公包等處劉典  
督軍分路進攻石門該逆三面受敵翻山而遁  
當將賊壘悉數平毀劉典以士卒連日血戰量  
予休息再圖會剿初二日參將韓進春探聞黃

老虎從都昌潛出鐵門遂率韓字等營徑撲鐵門賊陣不動初二日該逆冒雨由謝家灘潛渡我軍蒼黃應敵拒之河干驟雨淋漓藥繩槍礮難以施放該逆復從上下游分涉而來襲我後路我軍營壘未成以致挫退韓進春以親軍數百人斷賊後乃收集各隊回紮小港該逆見官軍屹然山立仍竄歸鐵門饒防安堵如常臣查

韓進春恃勝而驕輕進無備致爲該逆所乘除  
嚴飭該參將振刷精神力加整頓再行約會進  
取外相應請

旨將臣標中軍參將韓進春暫行革職留營以觀後  
效並請

旨將臣交部議處

沈葆楨又奏言該逆自陶家渡石門敗後以饒



防未易窺伺乃以僞愛王踞都境僞感王踞湖境僞蹶王踞彭境堵逆等來往於都湖之間擄奪民船編竹作筏希圖偷渡而堵逆之弟黃汝丙又嗾譚星劉官方分途窺伺祁西使我首尾不能相顧督糧道段起以桃樹嶺空虛移紮狀元港初七日該逆分股攻桃樹嶺及打杵汊團紳汪爾昌率勇抵禦斃賊頗多適段起督勇至

桃樹嶺都司郭開連督勇至打杆汊會合兜擊賊乃敗潰出嶺其由都湖港汊偷渡者均經副將丁義方等水師擊退其零星各股遁出江境爲青陽防兵擊敗回竄彭澤之外江戰船調防他處該縣趙宗耀僅以練勇數百嬰城固守臣檄楊友勝分戰船五號以爲之援江忠義李榕於初七初十等日會剿湖口之賊未能得手都

昌水陸各營雕勦時獲勝仗而賊兵日益乞援  
之書雪片而至臣於饒防抽調忠勇軍赴之自  
吳城下至南康遙望對岸徹夜火光燭天民心  
震恐經劉于濬飭駐饒之江軍移緩就急沿湖  
布置大局尙可無慮惟自湖口以東延袤數百  
里焚殺搶擄之慘耳不忍聞被難紳民來省上  
書促戰殆無虛日而各營奔馳於炎風烈日之

中病者十幾六七餉輒逾期皆緣臣調度無方所致惟有諄飭各將領隨時相機辦理以期仰慰

宸廑奏入

上命議政王軍機大臣傳諭曾國藩左宗棠沈葆楨曰臬司劉典督軍分路進攻石門該逆因三面受敵翻山遁逸當將賊壘悉數平毀劉典以士卒連

日血戰量予休息再圖會勦著沈葆楨飭令劉典  
將各軍妥爲拊循暫息勞乏仍卽乘此聲威復圖  
攻取相機辦理該逆自陶家渡石門敗後知饒防  
未易窺伺乃分踞都湖各境希圖偷渡並窺伺祁  
西且自湖口以東延袤數百里焚殺搶掠慘不忍  
聞據沈葆楨奏賊兵日益自係由太平石埭祁門  
建德一帶竄入若令蔓延江省全局必致掣動卽

著曾國藩左宗棠迅檄徽甯等處得力防軍分路  
追躡痛加勦洗並會同江省官兵兩面夾擊務將  
圖竄江西之賊殲除淨盡俾江南浙江諸路官軍  
後路均臻穩固方爲妥善參將韓進春因聞黃老  
虎從都昌潛出鐵門輕進失利咎有應得著暫行  
革職留營以觀後效所有沈葆楨自請交部議處  
之處著加恩寬免

初八日

壬子

曾國藩奏言近日探報僞忠王侍王

均隨洪逆堅守金陵船運蘇州之糧接濟老巢  
曾國荃一軍自五月十五十八等日攻破金陵  
南城角長干橋一壘二卡後圍偏如常別無戰  
事鮑超至鍾山築營將竣本擬移紮孝陵衛旋  
因自染暑瘡又以軍中疾疫大作死亡相屬恐  
前敵爲賊所乘遂平毀鍾山營基仍往神策門

沿江一帶金陵暫難合圍臣亦以江西未靖皖  
南方棘恐鮑超須調勦上游不敢令其遽爾合  
圍也蕪湖甯國南陵涇縣各城金柱關灣沚清  
弋江各隘雖抽調何紹彩西河一軍而水陸防  
守幸均完固僞輔王楊七麻等股在東水陽新  
河莊結卡踞守亦未敢伺隙內犯二十至二十  
六等日甯國守將劉松山會約涇縣守將易開



俊勦賊於黃村等處四戰四捷朱品隆亦自青陽會勦於木竹潭等處獲勝三次斃賊極多前據搜獲僞文忠會欲調黃李古賴各賊回援金陵近則並無其事古賴劉藍等逆仍在太石涇旌之交黃李等逆則屬聚於湖口都鄱一帶數月以來江西官軍與左宗棠派援之師苦戰苦守屢獲勝仗景鎮鄱陽之賊次第退竄沈葆楨

又咨調江忠義專剿湖口滿擬卽日全境肅清  
六月初二日韓進春在洋塘挫潰兇燄復張目  
下賊勢趨重湖口一路六月十七日猛撲江忠  
義堅山營寨李榕部將陳由立援剿獲勝旋以  
追賊致挫十九二十三等日復來堅山圍營攻  
撲甚猛江忠義雖係宿將而所部老勇較少新  
募居多李榕則全係新立之軍未經大敵殊可

危慮由湖口下至彭澤馬當東流上至屏峯南  
康都昌濱江濱湖一片逆氛臣現咨商彭玉麟  
多帶礮船親赴湖口援勦江西

諭旨所示廓清江境然後併力皖南規取金陵誠爲  
確不可易之理卽當欽遵辦理奏入

上命議政王軍機大臣傳諭曾國藩沈葆楨曰逆匪  
麪聚湖口都鄱一帶江西官軍與左宗棠派援之

師苦戰苦守屢獲勝仗景鎮鄱陽之賊次第退竄  
因韓進春在洋塘挫潰賊勢復趨重湖口一路狂  
撲江忠義營寨李榕部將陳由立援勦先勝後挫  
由湖口下至彭澤馬當東流上至屏峯南康都昌  
濱江濱湖一片逆氛曾國藩咨商彭玉麟多帶礮  
船親赴湖口援勦現在江忠義所部老勇較少李  
榕新立之軍未經大敵而該逆愈聚愈衆勢甚兇

悍自應添撥勁旅以資攻剿著曾國藩咨會彭玉麟督帶礮船迅速前赴湖口會同江省官軍實力進攻並著沈葆楨督同江忠義李榕等軍穩紮穩進節節掃蕩毋再稍有疏失務將該匪聚斂廓清江境庶可移師併力皖南爲規取金陵之計鮑超自染暑瘧軍中疾疫大作死亡相屬朝廷甚深塵繫曾國藩以江西未靖皖南方棘恐鮑超須調剿

上游不令遽圍金陵所籌甚是該提督一軍應調  
赴何路策應之處卽著曾國藩相機辦理

同日瑛棨奏言接毛震壽來稟因郡圍未解各  
路援兵不至擬令全師赴援而洋縣之賊連日  
窺伺城固遂以振威兩營派赴東路迎擊以靖  
逆一軍防守城固而以果健奇勝楚軍十一營  
各六成隊伍三千餘名往擣漢中東關先通糧

道然賊至二十餘萬之衆僞端王以七八萬人屯紮東關自柳林鋪以西賊卡林立我軍勢力懸殊十九日易佩紳催督各軍分路進攻連破賊卡而東關之賊馬步二三萬人前來拒敵我軍俟賊稍近爭先衝入槍礮環擊斃其馬上執旗悍賊多人賊猶死拒我軍振臂一呼踰牆而進短兵相接賊勢不支紛紛敗走直追至七里

店天色微明賊見我軍分兵復入隊伍無多另  
添馬隊兩面要截我軍縱橫決盪兜剿旁衝乃  
衰城及北路之賊以馬隊數千步隊二萬有餘  
包抄我軍之左是時團練甫進猝與賊遇初猶  
力勦繼而失利賊卽兩路來抄層層圍裏斷我  
歸路我軍見四面皆賊且戰且退易佩紳激勵  
將士左右衝突始出重圍又據署漢中府知府



楊光澍稟稱漢中重圍未解糧運不通張由庚  
一軍駐於川邊楊光澍兩次詣營乞援均以各  
軍到齊方能拔隊爲詞是其畛域爲心漠視漢  
南已可概見楊光澍遂率所部前進五月初七  
日甫抵沈家寨營壘未成爲賊所乘傷折頗多  
楊光澍仍回青石關駐紮自請參辦各等情臣  
查漢中賊多兵少此次易佩紳希冀疏通糧道

楊光樹急於援救郡城尙屬急公且楊光樹憤  
張由庚援軍不至疾趨進勦與尋常輕進致敗  
者有閒雖據自請叅辦合無仰懇

天恩暫予免議責令勦賊以觀後效儻再有控衄一  
併從嚴叅辦奏入

上命議政王軍機大臣傳諭駱秉章劉蓉曰漢中被  
圍日久毛震壽與易佩紳圖解城圍因賊勢過重

未能得手劉蓉已授陝西巡撫現在漢中情形危迫異常著駱秉章速催劉蓉馳往漢南統率諸軍力解城圍毋再遲延張由庚疊奉諭旨令其帶兵馳援漢中現已駐軍川陝邊境經著漢中府楊光澍兩次親詣該營求援輒敢擁兵不救是否各軍部署未齊抑係藉詞推諉著劉蓉確切查明如有遷延貽誤情形卽著從嚴叅辦楊光澍因張由庚

廷不赴援憤激出城帶兵勦賊孤軍被圍失利與  
輕進致敗者有閒並著免其議處

十二日丙辰略秉章奏臣查石逆就擒全股殄

滅南路稍鬆可以抽調遂檄總兵何勝必蕭慶  
高率湘果中右兩軍共六千餘名仍取道南江  
通江並擣導桂字兩營陸續前進合計一萬三  
千餘人軍械口糧皆由川省籌發兵力旣厚庶

可力解漢郡之圍以次掃蕩羣寇並查何勝必  
蕭慶高皆轉戰數省久歷行陣當能會籌決勝  
似可無須張由庚統率其陝西藩司毛震壽所  
部兵勇欠餉甚多此時亦未便遽易統帥伏查  
毛震壽自到陝以來雖不能迅殄逆氛而力守  
城固尙能與賊相持現已分兵馳援漢郡當不  
至呼應不靈所有陝南各營應請

旨仍歸毛震壽統帶以專責成奏入

上命議政王軍機大臣傳諭略乘章劉蓉曰陝南軍務亟須統率有人川省現復添兵前往總兵何勝必蕭慶高皆久經行陣可期得力卽著劉蓉迅速馳往漢南統率諸軍進剿何勝必等所部及援剿陝南各軍均歸調遣張由庚駐軍川陝邊境經署漢中府楊光澍兩次親詣求援擁兵不救該撫行

抵陝境務卽遵查確實具奏毋稍徇隱毛震壽雖不能忍殄逆氛而力守城固尙能與賊久持著劉蓉於到陝後察看其人是否可用並其兵勇應否簡汰之處迅速具奏

十三日丁巳李鴻章奏旨探聞嘉興府逆首偽榮

王慶發受領水陸賊衆數萬於十六日直撲吳江縣之南門勢甚洶湧程學啟督軍登陴用礮

對轟一面挑派洋槍隊千人調集礮船二十隻  
出城迎勦該逆見我軍遽出悉力來撲鏖戰良  
久互有損傷副將何安泰等乃由城左小路抄  
襲賊後都司彭玉貴等開礮轟擊謝梁鎮等礮  
船復攔腰截勦賊陣大亂程學啟督洋槍隊奮  
力猛衝賊反戈狂奔自相踐踏我軍追殺二十  
餘里將至平望奪獲賊礮船十二號擒斬悍賊



三千餘名程學啟相度形勢該城南通嘉興北  
接蘇州西連太湖面面皆爲賊窟因於城南之  
萬頃橋扼紮兩壘令遊擊阮炳福守之以當嘉  
興來路城西北之夾浦口扼紮兩壘令總兵陳  
有昇陸師與總兵張光泰淮揚水師守之以當  
蘇州來路又令副將何安泰督同遊擊張志邦  
帶兩營駐守城中相機策應多儲米糧子藥爲

死守計程學啟於二十日仍回灘亭老營兼顧  
由崑入蘇之路二十一二日以後蘇嘉各處大  
股四出狂竄互延數十里連撲夾浦營盤均經  
我軍擊退該逆有開花礮疊次向營轟打幸其  
礮甚小尙能儘力抵禦 臣現商令各國領事出  
示嚴禁不准流氓接濟賊匪至崑蘇吳江之交  
百里間河湖交錯師船甚單亟盼李朝斌太湖

水師下駛以資分布聞尙阻風海門不能徑渡  
現飭劉銘傳李鶴章等進攻江陰劉秉璋潘鼎  
新等進圖嘉善冀可稍分賊勢奏入

上命議政王軍機大臣傳諭李鴻章曰嘉興逆首偽  
榮王糾衆來撲吳江程學啟分派各軍迎勦該逆  
反戈狂奔我軍追至平望收隊蘇嘉各處大股四  
出狂竄連撲夾浦營盤均經我軍擊退惟總須斷

其接濟方能制賊死命所有水路各要隘應如何設法禁止斷賊接濟之處著李鴻章咨照左宗棠會同妥商辦理崑蘇吳江之交師船甚單並著催令李朝斌統帶水師迅速下駛以利攻勦

十四日戊午張亮基奏言髮逆竄擾遵義等處經

臣勞崇光督飭文武兵練擊敗後餘匪奔竄婺川縣屬當陽園三岡等處圖擾川楚署婺川縣

知縣田慶治遊擊田應祥各帶兵練分路截擊  
自四月二十三日起相持二十餘日屢戰皆捷  
斃匪三四百人陣斬數十人將該匪所踞鄭家  
灣民寨襲破五月十六日賊由晏溪率衆五千  
餘人直趨正安州屬之丁木坳隘口適知州彭  
城已有嚴備並於四山設伏以待該逆甫抵隘  
口彭城揮軍衝擊伏兵繼之殲斃五十餘人該

逆奪路狂奔我軍跟蹤追勦復斃賊四十餘名  
餘匪退歸晏溪十八日賊又出擾丁木坳等處  
田慶治等督練抄截斃匪二百餘名招降被脅  
難民三百餘名卽令薙髮分別安置餘賊俱由  
正安婺川交界之合婆嶺敗竄現仍嚴飭各屬  
激勵兵練四面兜勦務將此股髮逆悉數殲除  
以弭後患奏入報

聞

十五日己未沈葆楨奏言自提督江忠義一軍進

紮堅山該逆黃老虎由都昌之蔡家嶺悉衆來  
爭六月十七日江忠義密令各營出六成隊伍  
堅山分道設伏並飭江上喜江忠倬督率隊伍  
防其由梧桐嶺襲我馬影橋老營一面函商李  
榕會勦該逆偪營而陣橫互十餘里我軍分路

攻勦酣戰兩時斃賊數百名賊不少卻江忠義  
督同江忠華揮令馬隊出搆中堅黃仁遺等怒  
馬疾呼而進賊始披靡我軍乘勝追殺該逆復  
敢抗拒經我軍殺斃七八百名李榕分軍援勦  
亦多斬獲總兵陳由立窮追遇伏小有挫折江  
忠義以該逆不得逞於前必襲我後當飭堅山  
各營如賊來犯各自堅守毋輕出戰十九日該



逆果以大股伏於張天社酬山一帶而以小股  
於堅山之前挑戰自辰至午見我軍不動乃以  
四千人徑撲新左翼營壘其大股三面合圍堅  
山各營我軍俟其近濠始放槍礮斃賊千計賊  
仍不退前鋒後勁兩營地尤衝要賊分股牽掣  
各壘悉銳攻撲兩營逆酋黃老虎吹號揮衆營  
官黃仁遺調槍隊擊之該逆倒地羣賊昇之而

遁餘悉鼠竄查該逆爲悍賊渠魁旣受重創羣  
逆自必喪膽 臣現飭劉典會督饒防各軍步步  
進逼合力兜剿以期殲除醜類綏靖邊疆

沈葆楨又奏冒據統帶老湘營道員王文瑞稟  
稱古江二逆踞安徽黟縣石太地方於六月十  
六夜竄至郭村十七日由羊棧嶺竄入黟縣經  
該道乘其喘息未定擊之知府朱明亮等分道

會勦十八日行距駱城數里部勒甫定城賊傾巢而出我軍環施槍礮屢戰逾時賊猶拌死抵禦熊常富等從後抄殺賊乃驚潰哈勝榮等乘勝衝入南門搜殺百餘賊當將城池克復哈勝榮知左路賊勢較重馳往應援見賊堅伏濠內槍礮擊之不動乃同丁長勝等率步隊踰濠攀牆而上立斬悍賊數十名賊遂棄壘而遁鄧榮

達等涉過小河截其歸路各軍兜殺斃賊五六  
百名援賊分道而至我軍整陣以待丁長勝等  
左右抄擊各軍齊進賊乃大敗我軍追出羊棧  
嶺斬其尾隊百餘名餘匪悉向石太而遁黔境  
肅清查該逆回竄黔城圖竄江境王文瑞乘機  
掃蕩具見調度有方臣惟有檄飭該道督率各  
軍奮力追剿以遏賊匪窺竄之路

沈葆楨又奏言日來悍賊盡趨湖口祐逆李遠  
繼實未陣斃仍隨黃老虎於文橋以拒江忠義  
一軍自十九一戰羣逆膽落屢次挑之伏匿不  
出其擾都昌之賊疊被官軍襲勦愈遁愈遠惟  
蔡家嶺等處尙堅紮老營悍賊守之以固文橋  
後路夥境旣靖劉典無東顧之憂已約會席寶  
田等進紮石門梅源橋洋塘等處擬先攻青山

橋掣賊之後以期迅掃逆氛奏入

上命議政王軍機大臣傳諭沈葆楨曰石太古江二  
逆糾老賊二萬餘人竄入黔縣圍竄江境經王文  
瑞派隊襲擊克復城池分路追殺餘賊仍向石太  
遁去仍著沈葆楨督飭該道員激勵各軍將此股  
竄匪奮力追擊毋令回竄江境黃李等逆屬聚於  
湖口都鄱一帶前因韓進春在洋塘失利賊勢趨

重湖口一路當經諭令沈葆楨督飭各軍穩紮穩  
進自江忠義進紮堅山扼要設伏李榕亦分軍援  
剿雖陳由立遇伏官軍小有損折而黃逆中槍倒  
地已受重創羣賊亦必膽落著督飭劉典會督饒  
防諸軍步步進逼合力兜剿湖口雖屢獲勝仗黃  
李各逆仍堅踞文橋都昌之賊雖敗遁較遠而蔡  
家嶺等處尙有悍賊堅守老巢以固文橋後路現

在黔境既清劉典可無東顧之慮卽著會同席寶田等軍進紮石門梅源橋等處乘勢繞出賊後分路包抄迅掃逆氛以顧江省全局

同日湖南巡撫惲世臨奏冒據探髮逆李幅猷一股尙徘徊綏陽境內亟宜乘時進剿爲一勞永逸之計已派同知羅建章帶勇進駐玉屏與各軍分路前進並約會黔軍聯絡進剿奏入



上諭曰該撫身受厚恩且新膺疆寄惟當力圖整頓  
俾軍務地方日有起色隨時實心實力毋得徒託  
空言以副委任